

# Powšitkowne WOZJEWJENJA

njedźelu, 10. meje 2015

## **Ministrantska kopańca hakle popołdnu**

Na koparski turněr su ministranća ze serbskich wosadow přeprašeni. Tutón wotměje so dzeń po Božim spěću, pjatk, 15. meje, popołdnu w Pěskcach. Započatk je so změnił a budže nětko hakle z nyšporom w 13.30 hodź. we wjesnej cyrkwiće.

## **Słowjenska hra w Chróšćicach**

Słowjenska lajska dźiwadłowa skupina Šentjanž předstaji pjatk, 15. meje, w 20 hodź. w Chróšćanskim Hórnikowym domje swoju hru „Vaje iz sedenja“ („Sitzübungen“) – ze simultanyym přeložowanjom do němčiny. Hosćo ze Słowjenskeje přebuwaja na přeprašenje Chróšćanskeje lajskeje dźiwadłoweje skupiny we Łužicy. Wšitcy zajimcy su na předstajenje přeprašeni.

## **Nalětni koncert na klóšterskej zahrodźe**

Křesćansko-socialny kubłanski skutk z.t a chór Lipa z.t. přeprašujetej na tradicionalny nalětni koncert do zahrody zežiwjenskeho a zeloweho centruma w klóštrje Marijinej Hwězdze w Pančicach-Kukowje njedźelu, 17. meje, w 15.30 hodź. W kćejatej zahrodźe zaspěwa chór Lipa pisaný kwěćel pěsnjow na rjanosć přirody. Hóštny chór je lětsa džěcacy chór Budyskeho serbskeho gymnazija pod nawodom Bernadety Hencyneje. Wot 15.00 hodź. poskićuja tam kofej a tykanc.

## **Knižna premjera**

Nowu putnisku knihu „Ze žohnowanjom na puć“ předstaji Ludowe nakładnistwo Domowina wutoru, 19. meje, w 19 hodź. w awli Šule Ćišinskeho w Pančicach-Kukowje. Wudawaćel farar Gerat Wornar a dalši awtorjo budu z njeje čitać.

## **Beachvolleyballowy turněr**

Dekanatne dušepastyrstwo młodžiny přeprašuje sobotu, 6. junija, wot 15 hodź. na beachvolleyballowy turněr do Raibic. Mustwa njech so prošu hač do štwórtka, 28. meje, w Don Boskowym domje pod telefonowym čisłom (03 57 96) 9 59 95 abo na facebookowej stronje „Referentka DekanatnaMłodzina Worklecy“ přizjewja. Hrać budže so, jeli so znajmjeńša štyri mustwa přizjewja.

## **2. Alojsowy festiwal w Radworju**

Wot pjatka do njedźele, 3. do 5. julija, wotměje so w Radworju 2. Alojsowy festiwal. Wjace hač 200 młodostnych zwonka Łužicy je hižo přizjewjenych. Nadrobniše informacije nańdžeće na internetowej stronje [www.alojsfestival.com](http://www.alojsfestival.com).

## **Putnikowanje młodžiny do Krupki – nowy termin přeněho zetkanja**

Młodostni wot 16 lět su přeprašeni wot njedźele, 26. julija, do Krupki putnikować. Woni nawróca so pjatk, 31. julija. Přizjewić měli so zajimcy hač do pjatka, 26. junija, w Chróšćicach na farje, telefonowe čisło (03 57 96) 80 400. Po tym so přizjewjenja hižo njeprěijimuju. Putnicy zetkaja so njedźelu, 5. julija (nic 29. junija, kaž bě to dotal planowane), po nyšporje w Chróšćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

## **Za wulět samostejacych so přizjewić**

Samostejacy ze serbskich wosadow změja wutoru, 2. junija, swój lětuši zhromadny wulět z busom, kotryž powjedže do Choćebuza a do Błótow. Zajimcy njech so hač do wutory, 26. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

## **Do Swjateho kraja**

Drježdźanski biskopski ordinariat skedźbnja na putnikowanje „Po bibliskich slědach w Swjatym kraju“. Tute wotměje so wot pjatka do pjatka, 18. do 25. septembra. Nawoda budže farar na wuměniku Norbert Jensch z Drježdźan. Zajimcy měli so hač do 3. julija w ordinariaće pod telefonowym čislom (03 51) 3 36 47 83 přizjewić. Nadrobny program putnikowanja je pod [www.posol.de](http://www.posol.de) wozjewjeny.

## **Putniska jězba do Fatimy a do Santiaga de Compostela**

Maćij Hadank z Hórkow organizuje putnisku jězbu z lětaďlom wot pjatka hač do pjatka, 11. do 18. septembra, do Fatimy a Santiaga de Compostela. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodź.) abo pola njeho w Hórkach, Sydlišćowy puć 2.